



Arubaanse Courant

ANJA 25

DIARAZON 29 Januari 1964

No. 4950

Segun I.O.W.U.A. Lago ta dilata negociacionnan pa C.C.T. nobo.

San Nicolas, 29 januari. - Diahuebes siman pasa tabata ultimo biaha cu e directiva di Independent Oil Workers Union of Aruba, IOWUA, Union di trahadornan di Lago a sinta hunto cu e representantenan di Lago na mesa pa tene deliberacionnan preparativo pa e negociacionnan pa un combenio colectivo nobo di trabao. E dia menciona e deliberacionnan preparativo a tranka, como cu Lago no kier accepta e peticion di IOWUA pa para e lay off di e empleadonan, mientras cu negociacionnan ta tumando lugar, esaki segun e Union. Mientras cu Lago te ainda no a duna un contesta ariba peticion di IOWUA pa dentro di corto tempo bin cu un solucion, directiva di e Union a cuminsa tuma medidanan.

Den un pamfleta e miembronan di e Union ta worde informa cu e discusionnan entre e directiva di Union y esun di Lago a yega na un punto pa cual parse no tin solucion. For di anja pasa na luna di december e peticion a worde haci door di e directiva di Union na Lago, pa durante e negociacionnan pa contract colectivo nobo, stop cu e lay-off pa asina tin un atmosfera suave y sin tension desagradabel.

Parse cu poco despues Lago a pidi un "story of the employees" esta un informacion di e problemanan y nan motibo cu e empleadonan di compania tin

Union sin dilata rapidamente a cuminsa traha ariba esaki a en-

trege na Lago. Pero ya segun e pamfleta ta sigui informa, pa motibo di principio, Lago no kier accepta e promer punto, esta para e lay-off y degradacion di empleadonan di e compania durante e temporada cu e negociacionnan ta tuma lugar.

E pamfleta ta continua bisando cu Union di su banda ta ansioso pa yega na un arreglo pa e C.C.T. nobo cu Lago mas prontoposibel, pero cu Lago ta dilata e negociacionnan, locual no ta duna "e tranquilidad y e paz di trabao". Pesel directiva a dicidid pa dentro di algun dia manda tres miembro di directiva (F.L. Lodewijk, J. Flemming, y J. Yarzagaray Red.) Venezuela pa tuma contactoy pa-

cao y un flota pa steelband. E anja aki Tivoli Club tin intencion di participa cu un grupo mas grandi cu nunca antes den e paradadi carnaval. Pa esey nan ta pidi e cooperacion di tur nan miembronan pa tuma parti sea cu trucknan dorna of na pia den e grupo di Tivoli Club.

FATUM - Tel: 1845
pa tur bo aseguronan

Un bunita foto di e Prins di Carnaval Antonio Erasmus y su Pancho Jossy Tromp, durante di e fiesta di Conny Teeners den Trappers Club na Santa Cruz. Tabatin un bon fiesta, cual e teenersnan di Santa Cruz y becindario lo no lubida asina liher.

Hoben deteni pa robo na Noord

Cuyari, 29 Januari, Diadomingo marduga pa mas o menos dos or a worde avisa na polis cu den un cas na Cuyari na Noord a tuma lugar un robo. For di den e cas cu ta para solitario placa y prendanan na un balor di mil florin y alavez algun articulonnan di cas y un camara a worde horta.

Diadomingo mainta banda di diez or recherche a logra detene e hoben R.F. di diez siete anja, kende tabata worde sospecha di a comete e robo. Dos ora despues cu el a worde deteni y interoga e hoben menciona a confesa di a comete e robo. E articulonnan, y placa a worde hanja atrobe. E hoben a worde carcela.

Tivoli Club ta participa cu 5 flota na Carnaval

ORANJESTAD, 29 jan. - Durante e parada grandi di carnaval dia 9 venidero Club Tivoli lo participa cu cinco flota pa lo menos den e parada di Oranjestad. E flota lo consisti di tres flota di gala, un flota pa Orkesta Cura-

ROTARY A TUMA DESPEDIDA DI F.C. DONOVAN

ORANJESTAD, 29 jan. - Dia-luna anochi e miembronan, damas y caballeronan di Rotary na Aruba a tuma despedida di nan actual presidente senyor F. C. Donovan kende na fin di e luna aki ta laga Aruba caminda durante varios anja el a traha como miembro di directiva di Lago. Senyor lo bai New York Estados Unidos, caminda el lo bai traha na departamento di personal di e oficina principal di standard Oil Co. di New Jersey.

E despedida aki a tuma lugar abordo di e bapor di KNSM cu tabata den haaf na Oranjestad e dia ey, esta "Oranje Nassau". Na e reunion aki tabata presente tambe gezaghebber Oscar Henriquez, kende a dirigi plabranan di despedida na senyor Donovan. E puesto di presidente di Rotary a worde entrega e anochi aki door di senyor Donovan na deputado G. A. Oduber.



SABOR CU NUNCA TA VARIA

IT NEVER VARIES.

UNICAMENTE CUATER CANDIDATA PA TITULO DI MISS ARUBA

ORANJESTAD, 29 jan. Ora cu dialuna anochi ultimo pa 12 or e limite pa inscribicion pa tuma parti na eleccion pa Miss Aruba a yega, comite central di carnaval 1964 a ricibi en total unicamente cuatro inscribicion. E interes pa e participacion pa e titulo menciona a laga hopi di desea. E cuaternan cu a worde inscribi, manera cu nos a anuncia ayera caba ta srta Mirna Bislip, Mildred Croes, Luisa Croes y Regina Croes representante respectivamente di Viceroy, Amstel Heinekens y Esso.

Tocante di esaki nos a worde informa cu e comerciantenan di kende nan a worde spera cu nan a lo muestra mas interes a declara cu pa motibo di falta di tempo

pa preparacionan pa inscribicion nan no por bin cla cu tur cos pa tuma parti. Den circulonnan cu tin contact estrecho cu e comite central di carnaval ta worde spera cu e comite lo cambia e fecha limita di inscribicion y duna algun dianan mas di oportunidad pa esaki como cu algun comerciante ainda ta desea di tuma parti si nan hanja e tempo pa mihor preparacion. E comite di carnaval mes ta un poco disapunta cu comercio cual cu e stipulacion di missnan pa e titulo di Miss Aruba por a tuma parti mas hopi ainda na carnaval y alavez haci gran propaganda pa nan mes no ta haci uso di e oportunidad aki cu a worde duna na nan. Pesel ta lastima cu e animo pa esaki ta asina poco.

MINISTRO LAMPE PA ANTILLAS

ORANJESTAD, 29 jan. - Awe senyor W.F. Lampe, ministro plenipotenciario di Antillas na Den Haag lo yega Antillas. Senyor Lampe kende lo baha na Corsow ta haciendo su bishita anual di rutina como ministro plenipotenciario na Antillas.






Senjora Irma Beaujon - Brouwer, esposa di ex-Gezaghebber F.J.C. Beaujon Diabierne anochi a ricibi un copa pa e bunita partida di Korfbal cu el a demonstra durante un wega di deporte menciona na ocasion di e jubileo di Caribe Club. Ariba e promer potret nos ta mira senjora Beaujon recibiendo e

copa di Reina di Club Caribe srta. Sybilia Ponson. Ariba e otro potret nos ta mira senjora Beaujon durante e wega menciona, mientras cu e ta coriendo decididamente tras di e bala. E contra hungador di mas hoben di senjora Beaujon (drechi) no tabatin mucho chens di haci algo den e wega.

TELA Y MAS TELA

tur sorto di color especial pa fiesta di **CARNAVAL**



na prijsnan for di 10 placa pa riba.

Tambe pa **CARNAVAL** bo adres ta

La Linda

Jan C. Lacle ta parti cucul pa carnaval

ORANJESTAD, 28 jan. - Ultimamente e firma Jan. C. Lacle a cuminsa parti botternan di cucul cualnan ta den estilo y pa carnaval. E botternan plat ta contene cucul cu por worde hanja den cuater color esta berde, cora, blauw y geel.

E etiketa ta di diferente color y tin algun mascaradanan pinta ariba.

Diferente clubnan y e comitenan di carnaval a hanja algun di e botternan di cucul menciona. Pero majoria di nan lo worde parti durante e grandioso paradanan di carnaval venidero.



BOTO CU DOS HENDE A PERDE

SAN NICOLAS, 29 jan. - Dialuna ainta a sali for di Sero Colorado e boto di motor "Tonia" di diez seis pia cual desde e dia ey no a bolbe Aruba mas. E boto cu ta carga e number NA-729 cu a sali pa sietor di mainta tin dos tripulante abordo, kendenan a keda di bolbe e mes un dia pa seis or di atardi. Como cu ajera mainta ainda nan no a bolbe alarma a worde duna. A bordo ta senjornan Felix Rasmijn y Brigido Nicolaas tur dos di 59 anja di edad y kendenan ta biba na Weg Rool Hundido. Ajera mainta e boto di loods y e remolcador "Arikok" di haven y loodsdiens a sali pa busca e boto perdi. Tambe aeroplanonan di marina Hulandes staciona na Antillas a sali pa haci un buscamiento.

Jean Kuiperdal reina di Spes Patriae

SAN NICOLAS, 29 jan. - Durante eleccion cual a tuma lugar ultimamente pa reina di carnaval di Spes Patriae, e seccion hubenil di

Club Surnam na San Nicolas, Senjorita Joan Kuiperdal a sali numero uno y senjorita Shila Mohamed e di dos. Asina cu senjorita Joan Kuiperdal lota e dama cu dia trinta y uno venidero, esta diabierna awor lo bai competi hunto cu e otro reinanan di clubnan juvenil 1964. Segun informacion for di parti di e comite di carnaval juvenil e hurado pa e anochi lo worde forma door di turistanan cu ariba e dia ey ta na nos isla.

ARESTACION NA ATLANTA

ATLANTA GEORGIA, 29 Jan. Na Atlanta den estado mericano Georgia ayera nan a aresta mas di cien persona, pa mayoria parti hende di color cu a demostra contra separacion rasial. E demostracion a wordu teni dilanti un restaurant caminda nan ta admitti solamente hende blanco.

Promer cu mei anochi a llega un fin ne demostracion, pero ora cu algun demostracion a cuminsa canta y baila dilanti prison di e ciudad como protesta pe arestacion, mas dje demostrantenan a keda detene. Esaki te di tres dia consecutivo cu nan ta tene demostracion na Atlanta.

R.H.C. VAN HAAREN PA TRINIDAD

Oranjestad, 29 Januari, Senjornan R.H.C. Van Haaren director di Landsradio en telegraafdiens hunto cu E.J.F. de Vos, ambtenaar encarga cu seguridad di trafico aereo na Antillas lo bai Trinidad como representante di Antillas na un reunion di comunicacion radial di aviacion cu lo tuma lugar na Port of Spain for di dia cuatro te dia ocho di februari ayanan.

Saba a hanja luz electrico

ORANJESTAD, 29 jan. - Diahuebes atardi ultimo tabata un dia historico pa Saba. Como un di e islanan ariba dos lugar di Saba esta Sint John y Windwardside, a hanja luz electrico. Cu esaki na Saba tambe un cuminsamento a worde haci cu e electrificacion di e isla. Segun informacion pronto e otro parti die isla aki tambe e otro partinan di e isla aki tambe lo worde conecta ariba e net di electricidad.

TA BUSCA PA CUMPRA

na San Nicolas of vencedorio.

UN CAS GRANDI, BON SITUA

Ofertanan por escrito por worde manda bou

letter „BEEWEE, na oficina di Arubaanse

Courant, Nassaustraat No. 85, Oranjestad.

NOTA: Ofertanan sin mencion di prijs lo no worde considera.

T A SOLICITA

JEFE DI TIENDA

PA UN NEGOCHI GRANDI DI COMESTIBLES

na Aruba.

Exigencias: * Bon experencia den ramo di comestibles

* Capacidadnan pa dirigi

* Dominio di idioma Hulandes y Ingles

Dirigi solicitud por escrito bou letter „Q-II, na oficina di Arubaanse Courant, Nassaustraat No. 85, Oranjestad.

ESTABLECI

H. S. W. VERPLOEG

Dentista

PA CONTINUA TRABOU DI

DENTISTA C. F. M. SOONS

Oranan di Consulta

SAN NICOLAS

9 - 12 a.n.

Tel. 5 3 6 7

ORANJESTAD

3.30 - 7'or p.m.

tel. 1 5 4 2

Hoben ta hinka otro cu switchblade

SAN NICOLAS, 29 jan. - Diadomingo a tuma lugar banda di Chun King Grocery na Weg Fontein un hinkamento. Aki ta trata di e hoben A.R. di diez siete anja kende a hinka e hoben R.W. tambe di diez siete anja cu un switchblade bao di su braza. E victima a worde hiba dokter pa tratamiento. E usador di sambuchi a worde deteni y carcela.

H. DA COSTA GOMEZ RENOMBRA

ORANJESTAD, 29 jan. - Segun decision di land senjor H. da Costa Gomez entrante 12 di januari ultimo a worde renombra como miembro di Raad van Advies.

T A B E N D E

Un pida terra conces na Tanki Leendert 85, 500 m2. E ta keda canto di camina. Lugar caminda tin awa y lus.

Interesadonan por acudi serca: Sra. Tromp - Ponton 73.

W. F. CRAANE RENOMBRA

ORANJESTAD, 29 jan. - Segun decision di land senjornan W.F. Craane y F. Da Costa Gomez a worde renombra como miembro di Raad van Commissarissen di Bank van de Nederlansde Antillen pa cuater anja mas.

TENCION NA CYPRUS TA AUMENTA

GOBIERNO GRIEGO TA TRECE TRUPANAN DEN ESTADO DI ALARMA

ATHENA, 29 jan. Forzanan Griego di guerra como consecuencia di empeoramentu dje crisis na Cyprus a wordu trece den estado di alarma, segun a ser anuncia na Athena. Ta trata aki nan principalmente di militarnan di servicio aerea di marina, unidadnan di conando y paracaidistanan.

E bapor di trupa "Chios", a sali den direccion di Dodecanesos, y awe lo sali un bapor mas. Segun prensa Griego gobierno a dicidi pa tuma e medida aki despues di un reunion, cu tabata asisti pa hefenan di staf. Nan a ser tuma en relacion cu informacionnan cu nan ta reuni trupanen di guerra ne costa Turco enfrente di Cyprus, tambe tin 4 submarino segun e informacionnan. E corant cu ta sali na Istanbul "Aksam", awe a anuncia, cu Turquia a dicidi pa retira dje conferencianan London tocante Cyprus. Gobierno Turco ayeranochi a tuma e decision aki.

Solamente e kier admitti unidadnan militar Mericano na Cyprus pa sorru pa seguridad. Segun Aksam minister di asuntunan exterior Turco awe lo pidi Merca

pa mediasion. Ta ser anuncia cu e comando supremo Griego ta planea di retira e unidadnan Griego cerca e cuartel general di NAVO na Izmir na Turquia un departamentu cu ta consisti di cien militar di "life guards" Britanico cu 20 mitraladora monta riba motornan a sali ayeranochi cu avion fo London pa Cyprus pa troca e trupanen ayanan. Segun a ser anuncia di fuente na London. Un bosero dje delegacion Turco di gobierno na London a declara, cu e no por segura ni desmenti noticianan cu e delegacion Turco a retira dje conferencia. Lider dje delegacion Turco, minister di asuntunan exterior Erkin, tabatin awe un entrevista cu e minister Britanico di mancomunidad, Duncan Sandys.

RUMOR TOCANTE CASTRO

NEW YORK, 29 Jan. Un bosero dje ministerio Cubano di exterior a contradeci un rumor como si fuera prome minister Fidel Castro o su ruman homber Raul a wordu asesina.

Di fuente oficial a ser participa cu e noticia no tin ningun base. Segun anuncia e rumor aki a wordu publica pa un desterado Cubano na Miami. Tales rumornan ta circulando hopi actualmente.



Bishita di Chroesjev na Scandinavia

COPENHAGUE, 29 Jan. E ministerio danes di asuntunan exterior, a anuncia, cu e venidero bishita di promer minister

Chroestsjef na Scandinavia ta wordu regla como lo siguiente, di 17 te 21 juni e promer minister ruso lo keda na Dinamarca. Segun e lo bishita Suecia di 22 te 27 di juni, fo caminda e lo bishita Noruega di 28 di juni te dos juli.

Premier Castro di Cuba ta camna bon empaketa contra e friu teribel na Rusia, den compania di premier Chroesjstef di Rusia. Aki Chroestsjef ta combersa cu un partido di carta den un pueblo chikitu banda di Moscu durante un paseo.

Comunistanan na Sur Vietnam

WASHINGTON, 29 jan. - Den un rapport pe comision di forzanan di guerra dje camara di delegadonan e minister Mericano di defensa McNamara a declara cu rebeldenan comunista na Vietnam del Sur fo e caida di gobierno - Diem na november pasa a haci progresonan notable. Segun e minister nan a logra haci bon uso dje resistencia contra gobierno Diem cu a aumenta y tambe dje periodo di inseguridad cu a sigui despues dje golpe di estado. McNamara a declara di mester admitti, que esfuerso di Merca pa sirbi gobierno Sur Vietnam den su lucha contra comunistanan no ta garantisa un exito decisivo. E - Vietnamnan meste bringa pa obtene un triunfo final. Merca actualmente tin 15.500 homber na Vietnam del Sur.

KNSM

your line



TELEPHONE 1777-3 LINES.

SCHEDULE OF ARRIVALS/DEPARTURES AT/FROM ORANJESTAD

| NOMBER BAPOR: | FECHA: | FOR DI: | PA: |
|-----------------|---------|------------------------------|---|
| ARISTOTELES | 29-1-64 | Europe. | Venezuela, Pto. Barrios, Europe. |
| MEDON | 30-1-64 | U.S. Atlantic Ports. | Venezuela, Georgetown, Paramaribo. |
| ANDERS ROGENAES | 2-2-64 | Mobile, Houston, N. Orleans. | Curacao, Venezuela, Trinidad, Barbados, Georgetown, Paramaribo. |
| HERCULES | 4-2-64 | Europe. | Venezuela, Barranquilla, Cartagena, Pto. Limon. |
| THERON | 5-2-64 | Canada. | Paramaribo, Europe. |
| ORANJE NASSAU | 8-2-64 | Caribbean Cruise. | Curacao, La Guaira, Trinidad, Barbados, Europe. |

KISWA PA MEKKA

CAIRO, 29 Jan. E viahe oficial Egypcio di peregrinacion lowor-du admitti atrobe awor cu e kestionnan entre Saeedi Arabia y republica Arabe Uni ta resolve, segun Radio Cairo a anuncia. Na mei di 1962, Saeedi Arabia a rechaza desembarcacion di Kiswa, e donativo anual tradicional di Egipto pe mosquita di Mekka. Kiswa ta un panja pisa di felpa. Riba cual tin borda cu hilo di oro proverbionan di Koran. E ta destina pa tapa "Kaaba, e piedra pretu dje mosquita di Mekka.

E perigrinonan di Egipto a ninga pa desembarca ora cu Saeedi Arabia no a admitti e Kiswa.

FANTASTICO!

Ta nos oferta pa duna lectornan di "ARUBAANSE CORANT"

e corant mas lesá na Aruba,

UN LUNA GRATIS DI SUSCRIPCION

si nan paga e suscripcion pa aña 1964 delantá. E oferta aki ta valido te dia 1 di februar venidero.



PAGA NOS COBRADORNAN pa 11 LUNA y LESA CORANT 12 LUNA. „Arubaanse Courant,, e corant cu dia pa dia ta bira mehor!



HINDERORDERING ARUBA

De Gezaghebber van het eilandgebied Aruba maakt bekend dat door de Antenne N.V. en door Carlos Alejandro Kelkboon verzoeken zijn ingediend om vergunningen, respectievelijk voor het oprichten van een electrotechnische werkplaats aan de A-arendstraat te Oranjestad en van een schietbaan op Palm Beach tegenover de Olde Molen. De betreffende verzoeken zullen gedurende dertig dagen na heden op het Bestuurskantoor, afdeling Algemene Zaken, ter inzage liggen en ieder kan gedurende deze termijn mondeling of schriftelijk zijn bezwaren tegen bedoelde verzoeken kenbaar maken.

Martinot hefe redactor nobo serca A.N.P.

DEN HAAG, 28 jan. - E consejo di gobernacion di agencia Ulandes di prensa ANP, a nombra como hefe redactor J.W.M. Martinot, actual coresponsal na Bruselas dje corantnan di prensa di Gelderland reuni den prensa Zuid-oost. Senyor Martinot tabata di 1948 te 1955 hefe redactor dje ex-agencia di prensa na Djakarta "Aneta", cu tabatin un cooperacion intimo que agencia Ulandes nacional y tabata soru pa noticia di Indonesia na Ulanda.

El a cuminsa su carera di periodista cerca Nieuwe Haarlemse Courant na anja 1937.

Senyor Martinot tin 45 anja. Na anja 1955 el a keda nombra ridder den orde di Oranje Nassau.

E ta sucesor di senyor G.A.-Knepple, cerca ANP, cu algun luna pasa a bira hefe redactor cerca e corant De Nieuwe Limburger na Maastricht.

E portret aki a worde saca anja pasa y ta mustra president Julius Nyerere di Tanganyika durante un wega amistoso di croquet cu e comisario haltu Ingles, F.S. Miles den e capital Dar-Es-Salam. Actualmente Nyerere no por worde hanja, despues di e motinahe di e trupanan militar den e pais.



ENID ARENDS

Reina di Tivoli Club,



JOSSY ARENDS

Joker di Tivoli Club.



MARIA F. ARENDS

Joyita di Tivoli Club.



MIRNA BISLIP

Miss Viceroy



LINDA ROSA CROES

Miss Heinekens



MILDRED CROES

Miss Amstel

Arestacionnan na Venezuela

CARACAS, 29 Jan. Ademá di e capitán di corbeta Molina Villegas nan a detene tambe seis persona pa motibo di rebellon arma. Segun un comunicado dje ministerio di asuntunan interino nan lo worde sentencia dilanti cortenan militar di justicia. Un delegado, Luis Mi-quelina, tabata cu esnan cu a worde

aresta durante un listramento di cas cerca di Manuel Villegas tabata den prison ora cu dia 16 di september pasa el alogra hui, den compania di otro ochopersona condena cerca kende tabatin tambe e delegado Fabricio Ojeda. E ultimo aki ta na cabes di e guerrilleronan cu ta opera den territorio di Bocono. E forzanan di guerra di liberacion ayera a haci varios asalto den estacionan Venezolano. Den estado

Monagas seis hoben armá a penetra den banco nacional caminda nan a horta 74.000 bolivar. Un di nan a worde herida pa polis pero tur a logra scapa.

Na Valencia den estado Carabobo, nan a hanja na un investigacion den un villa un cantidad grandi di arma y explosivo. Tambe nan a hanja documentonan fol cua a resulta cu e armanan tabata destina pa e ehecucion di un plan extenso pa terrorisa e ciudad.

Evacuacion di misioneronan na Congo pa N.U.

Leopoldstad, 29 jan. - 16 Misionero foi Congo a worde evacua cu helicopter di Nacionnan Uni foi Kisandji na Goengoe. Te ainda refugiadonan dje puestonan di mision ta hui dje teritorionan Idiofa y Goengo cu ta an.enaza pa rebeldenan. Dos puesto protestant di mision ta spera pa wordu evacua.

Den un dje puestonan aki tin ocho mucha den un otro seis, mientras gruponan di terorista ta ataca e casnan di mision y ta sendenan na candela, ta mata misioneronan protestant y catolico.

Pastoor Sebrecht, cu nan a perde na Kilemge, ainda tres pastoor catolico a wordu asesina siman pasa a llega Brabantia. Na Brabantia a llega en total 12 Europeo, entre otro tres pastoor catolico. Na Banningville a llega tambe 12 Europeo.

E Mericano di 31 anja Sprunger huntu cu misionero di Canada ta presu pterroristanan. Despues di a pasa 30 ora den prison ambos homber a wordu hiba pa un puesto di misionero cu nan a kima dencua tabata tin shete adulto y dos mucha. Nos por a usa nos aparatura di radio, traha un pista di aterizaje y tuma medidanan pa nos haya cuasion, segun Sprunger cu poco despues a wordu busca pa helicopter di Nacionnan Uni.

E teniente coronel di Canada Nayer a wordu zuta pa Africa-

nonan ora cu ayeranochi el a trata pa obtene liberacion di ocho misionero y un homber na Kisandji door di deliberacionnan. Despues esakinan toch por a wordu evacua.

PRIJS MUNDIAL DI COFFIE

LONDEN, 28 Jan. E comision dje organisacion internacional di coffie cu ta consisti di 14 pais, a cuminsa na Londen un serie di reunionnan secreto, den cua nan lo trata principalmente stabilisacion dje prijsnan mundial di coffie.

E deliberacionnan lo dura mas o menos dos siman. Nan lo traha proposicionnan cu lo worde pone ne consejo internacional di coffie cu lo reuni cuminzamentu di maart proximo.

Un bosero dje organisacion a declara cu e trabao di mas importante dje consejo ta pa evita un aumento di prijs.

E causa mas importante di aumento di prijs te deficit di coffie Brasileiro riba mercado mundial y e cantidad di limitacionnan cu ta worde ehecuta bao dje acuerdo internacional di coffie di shete luna.

PROCESO NA ALGERIA

ARGEL, 29 Jan. Na Argel a cuminsa awe un proceso contra e periodista di 28 anja Mohammed Zennadi, cu ta acusa di a asesina na april di anja pasa e minister di asuntunan exterior Mohammed Khemisti.

GRANDIOSO CONCURSO DI RON "CONDESA"

Ron "CONDESA" e rom cu ta conquistando Aruba,

ta anuncia su Concurso pa luna di Januari y

Februari 1964

PREMIO: f. 500.--

Ron Condesa ta regala f. 500.-- na e persona cu bisa e cantidad di tapadera (screw caps) cu tin den e botter grandi di RON CONDESA cu ta di show na e siguiente lugarnan aki:

- 13 - 22 Januari 1964 na MAI STORE (Oranjestad)
- 23 - 31 Januari 1964 na Titichi's Rumshop (Santa Cruz)
- 1 - 15 Februari 1964 na RIO RITA RUMSHOP di Sr. Niki de Kort (San Nicolaas)
- 16 - 29 Februari 1964 na SANTA CRUZ BAR (Santa Cruz)

Tur loke bo mester haci pa tuma parti ta lo siguiente:


1) Pa cada botter di Ron Condesa cu bo cumpra, di cualquier tamaño, bo ta hanja un formulario riba cual bo mester yena e cantidad cu bo takere cu tin den e botter di RON CONDESA grandi, yena bo nomber, direccion y firma y manda e formulario ei na e siguiente adres:

FIRMA JAN C. LACLE
SANTA CRUZ BAR
SANTA CRUZ 62

2) Hunto cu cada formulario cu bo manda bo mester pone un capsula di RON CONDESA.

Bo por manda cuanto formulario cu bo ta desea acompaña di un capsula di RON CONDESA.

E Concurso aki ta cerra dia 29 di Februari 1964. E botter grandi di RON CONDESA lo worde habri y contá den SANTA CRUZ BAR diadomingo dia 1 di Maart 1964 pa 5 or di atardi y e ganador lo worde anuncia mesora.



IMPORTADO Y EMBOTELLADO POR:
JAN C. LACLE - ARUBA, N. A.

RON CONDESA

Agente: **FIRMA JAN C. LACLE**

- STA CRUZ BAR - SANTA CRUZ 62 - TEL. 1048 -

Triunfo pa SanNicolas Jrs. y Tropical

(Di Nos Redactor Deportivo)

Durante e siman cu a caba a worde hunga dos partido di futbol perteneciente na e campeonato di hoofdklasse. San Nicolas Jrs a gana di Aruba Jrs cu anotacion di dos gol pa uno pa nan triunfo number cuatro di e cam-

peonato, mientras cu Tropical a triunfa riba Jong Aruba cu e minimo score di 1-0.

Pa Tropical esaki ta triunfo number tres te ainda.

Incluyendo e dos partidonan aki, nos ta hanja awor e siguiente tabla di posicion di e clubnan den hoofdklasse.

| CLUB | WH | WG | WF | WP | GF | GC | PTS |
|------------------|----|----|----|----|----|----|-----|
| R.C.A. | 9 | 7 | - | 2 | 28 | 12 | 14 |
| DAKOTA | 9 | 5 | 4 | - | 20 | 10 | 14 |
| SAN NIC JRS | 9 | 4 | 3 | 2 | 22 | 17 | 11 |
| ESTRELLA | 8 | 4 | 1 | 3 | 19 | 14 | 9 |
| TROPICAL | 9 | 3 | 1 | 5 | 19 | 27 | 7 |
| JUV. MILLONARIOS | | | | | | | |
| RIOS | 8 | 3 | 1 | 4 | 13 | 22 | 7 |
| JONG ARUBA | 9 | 3 | 1 | 5 | 14 | 18 | 7 |
| ARUBA JRS | 9 | - | 1 | 8 | 11 | 26 | 1 |

Cu un interesante encuentro entre R.C.A. y Estrella, e campeonato ta continua awe noch den Wilhelminastadion. Den e promer rond e tricolornan di Solito a supera e muchanan di Sta. Cruz cu score di 4-0. Pa continua cu nan speranzanan

campeonii, R.C.A. lo mester saili triunfador awe noch atrobe. Hunto cu Dakota nan ta ocupando e promer puesto y ta logico cu nan no por permiti derrota. Mas ainda contra di Estrella cu ya a perde contra di e dakotajonan den e segundo rond.

ALEMANIA TA CONTRA PLAN MANSHOLT

BONN, 28 Jan. E bond di Alemania Occidental di campesinonan ta contra e plan Mansholt pa un prijs conjunto pa mainshi

den paisnan di EEG, segun a ser anuncia e fin di siman aki despues di un reunion dje direccion di bond. E compensacion propone den e plan e direccion no ta hanja ta bon, pa reemplasa e perdidan como consecuencia di un rebaho di prijsnan di mainshi di Alemania Occidental.

Chrysostomos kier kibra cu Athenagoras

ATHENA, 28 jan. - Arzobispu griego Orthodox Chrysostomos di Athena kier kibra tur relacionnan cu patriarcha Athenagoras di Constantinopel. El a haci un proposicion pa esaki den synoda dje iglesia Griego orthodox. Esaki te ainda no a tuma ningun desicion, segun e corant Griego Ethnos.

E corant a agrega, cu e arzobispu ta pone oposicion fuerte contra cada acercacion pe iglesia di Roma. Tampoco e gesto di patriarcha Athenagoras, cu a manda Chrysostomos un rapport extenso dje encuentro cu Papa, no a suavisa actitud dje Arzobispu.

SUFRIMIENTO DI UN HOMBER

SAN FRANCISCO 28 jan. - E doctor di California Dr. Russel Lee ayera a bisa na un conferencia di docternan ne universidad di California cu hombernan ta sufri mas den bida matrimonial cu e muhernan.

Dr. Lee a bisa, si nos considera e homber loke e ta, un mamihero (zoogdier), e ora ey un casamentu di un homber y un solo muher ta un estado bizarro y inatural. Den naturalesa mamiferonan machu ta colecciona mas tantu hembra cu nan por. Den bida matrimonial e hombernan no


ta hanja tur nan derecho. Dr. Lee a bisa tambe cu e hombernan tin meste di hopi libertad. E ta conseha e muhernan pa sorru di duhana nan casa esaki. Dr. Lee, cu a funda un clinica na Palo Alto na California mes tin 46 anja casa, ta tata di cinco jui y abuelo di 20 nietu.

SEPARACION RACIAL NA ATLANTA

ATLANTA 28 jan. - Na Atlanta den estado Mericano Georgia ayera setenta arestacion a ser haci. Esaki a tuma lugar despues cu tabatin bringamentu entre estudiantenan di colo y un cantidad di cliente di un restaurant. E estudiantenan a demonstra dilantie restaurant, cu ta solamente pa hendenan blancu. Algun persona a keda levemente herida.

Avionnan supersonico Frances-Ingles

LONDEN, 28 Jan. E avionnan frances britanico supersonico di trafico "Concorde", ta hanja motorn cu io ta mas fuerte cu ioke a ser spera probablemente, segun British Aircraft Corporation a anuncia. E avion io hanja e radius mas largo di accion y lo bin para den un posicion mas favorable di concurrencia, cu e avionnan supersonico mericano "SCAT", di cual e velocidad ta 2784 km. pa ora y cu probablemente ta alcanza un lugar leu mas liher cu concorde. Prensa britanico a bisa di ta sospecha cu e cambionan anuncia ne avion typo concorde io ta masha costoso, locuai tin como consecuencia stopmentu di produccion.



un
desajuno
sabroso
cla den
un frega
di wowo..
claro cu
yudanza
di
REDDY!

Restonan di Papa Juan ta keda San Pedro

CUIDAD DEL VATICANO, 26 Jan. Restonan di Papa Juan Decimo Tercero lo keda den San Pedro na Roma. Awe a ser anuncia di fuente vaticano, cu Papa Pablo a participa cardinal secretario di estado Cigognani esaki den un carta. Manera anuncia Papa Juan poco prome di su morto a bisa di ta desea di wordu dera den San Juan di lateranen na Roma. Su sucesor papa Pablo a ordena un comision di cardinalnan pa investiga e kestion di graf di Papa Juan. E comision a bisa di ta desea San Pedro como ultimo lugar di sosiego pa Papa Juan. E restu a wordu pone den crypto di San Pedro dia seis di juni di anja pasa.

E isla di Formosa, baluarte di e trupanan nacionalista di China a hanja un temblor fuerte, cu a destrui miles di cas riba e isla, y a costa bida di centenares di persona. Aki nos ta mira algun habitante buscando e restonan di nan propiedadnan despues di e temblor.



ANNUAL CLEAN SWEEP SALE

STARTS ON JANUARY 30 th.

at

Palais Oriental

BRINGAMENTUNAN NA VENEZUELA

CARACAS, 28 Jan. Ne bringamentunan entre trupanan di gobierno venezolano y guerrilleronan na Bonocoite ne frontera entre e provincia venezolanoportuguesa y Barinas 10 persona a muri. E noticia aki no a hanja confirmacion oficial, maske cu e ta e druk cu letternan diki den e corant "El Nacional".

Morde di culebra

SALT LAKE CITY, 28 Jan. Na Salt Lake City, 12 specialista ta intenta pa salba bida di un opasser di un diertuin local, cu a wordu morde pa un culebra africano masha venenoso.

E homber diasabra na limpiamentu dje cas di reptiel a sinti malu. Ora cu el a haci un movimentu liher pa par riba su pia, e culebra a mordele den su braza. E opasser a wordu hospitalisa cu urgencia mientras un jet di marina a sali pa busca un contre veneno na San DIEGO. Ayeranchi e curazon dje opasser a keda para dos biaha, pero docternan a logra pone esaki traha atrobe.

Via un nier artificial nan ta trata pa saca e veneno foi den e sanger. E veneno aki ta afecta cerebro y ta causa paralisacionnan. Pa facilita respiracion docternan a pone untubuden su corocoro.

Apesar dje esfuersonan di un gran cantidad di specialista e victima dje morde di culebra africano venenoso a muri ayera.

Comercio Ingles cu Cuba

INGLATERRA, 28 Jan. Inglaterra nopor acepta argumentacion mericano tocante comercio cu Cuba, seran e bosero di mas importante pa asuntunan relaciona cu exterior dje partido laborista, Patrick Gordon a participa. Na un reunion politico ne lugar aki el a bisa: Nos no por

acepta e diferencia fini entre venta di trigo na Rusia y venta di bus na Cuba. Nos ta proba ambos sorto di comercio, Mas grandi entrecambio comercial ta entre diferente sorto di pais - cu excepcion di venta di mercancías militar - mas di mihor.

Maske Merca ta bende o no ta bende mercancías importante na Rusia, nos ta reconoce e derecho pa haci comercio normal cu Cuba, no pasombra ta trata di Cuba, peropasombra ta referidi un comercio normal.

El a bisa di ta reconoce y ta comprende sentimentunan mericano pa cu Cuba y henter Latino America.

Van Ewijck a participa den ehercicionan Mericano den Caribe

DEN HAAG, 28 Jan. - Den e ultimo simannan Hr. Ms. van Ewijck, bapor diguerra staciona na Antillas, a participa den e laman rond di Porto Rico na ehercicionan "Spring Board".

E ehercicio ta bow di direccion Mericano y tambe unidatnan Britanico di marina a participa. E maniobranan ta specialmente dedica pa train e personal, pa obtene entre otro, capacidad den combatimentu di submarinonan y cu artilleria. Hr. Ms. van Ewijck a hanja chens ne ehercicionan pa haci dos bishita na San Juan. E bapor actualmente a bolbe regresa su base na Corsow.

Mr. De Block pa Merca

SCHIPHOL, 28 Jan. Ayera tardi a sali di Schiphol pa New York Mr. L. de Block, secretario di estado di asuntunan exterior. Diarazon e lo habri e cancelleria nobo dje embahada ulandes na Washington. Despues e lo delibera tantu na Washington coma na New York. E deliberacionnan lo tin un aspecto informativo. Akinan nan lo papia tocante desarrollonan di EEG, e buelta Kennedy y e kestion dje union politico europeo.

ALBANIA TA LANSA ATAKE RIBA RUSIA

PEKING, 28 Jan. E agencia chines oficia l Nueva China, a publica un atake amplio di Albania riba promer minister Chroestsjef di Rusia. E agencia di prensa a duna un rapport completo di un articulo den e corant oficial albanes Zeri O Popoellit di 18 di januari pasa den cual Chroestsjef ta ser acusa di abolimentu di acuerdonan economico cu Albania y di un blokada militar dje pais. E escritor dje articulo ta compara cu China, cu a duna Albania un ayudo enorme riba varios terreno.

Segun e articulo e grupo revisionismo bow di direccion di Chroestsjef a viola riba un manera flagrante e relacionnan moderno entre paisnan socialista cu ta conduci door di principionan di Lenin. E grupo di Chroestsjef ta ehecuta un politiek di chauvinismo di nacionnan grandi.

HISAMENTO DI PESO

MOSCU 28 Jan. - Yuri Vlasov, awe a trese na hisamentu di peso na Moscu e record mundial di press ariba su number cu 166 kg.

Esaki te unico record mundial den klase pesado, cu no ta den poder di campeon olimpico Ruso. Foi 13 di september di anja pasa e record anterior tabata riba number di su compatriota Leonid Zhabotinsky cu 167,5 kg.

Paisnan di desarrollo y comercio mundial

BRASILIA, 29 Jan. Den un comunidad oficial tocante e reunion di expertonan dje comision economico pa Latino America di Nacionnan Uni ta ser bisa, cu e conferencia di Nacionnan Uni cu ta wordu tene na maart proximo na Ginebra, mester lucha pa realisacion di un estructura nobo pa comercio internacional. E estructura aki mester duna paisnan di desarrollo e seguridad, cu nan trafico comercial por forma un base pa un crecimiento constante di economia dje paisnan

Taje di banjo pa damas marca TWEKA for di.....f. 9,95
Traje di banjo pa damas marca ROSE MARIE REID, den diferente prijs.
Sapato hilchi haltu pa solamente.....f. 0,95
Sapato Italiano pa damas pa mitar prijs.
Sandalia Italiano for dif. 1,95
Sweater Italiano pa unicamente.....f. 2,95
Enorme rebaha ariba lingerie marca VAN RAALTE tambe brassiere PLAYTEX etc. etc.

Un enorme surtido di tas y sombre na prijsnan increibel abao.
Pa caballeros nos tin algun articulos na prijsnan reduci

* Probeca e oportunidad aki, cumpra calidad na prijs reduci y spaar placa. Majan dia 30 di januari nos baratillo di tur anja ta cuminsa, reserva e dia aki pa bo compras na

PALAIS ORIENTAL

ORANJESTAD

PABAO

SUR-VIETNAM TA PROTESTA

SAIGON, 29 Jan. Gobierno di Vietnam del Sur a protesta den un nota pa Francia contra e desicion frances pa reconoce China Comunista. E ta hanja cu e tin derecho pa tuma medidanan pa por enfrenta e situacion nobo.

aki. Expertonan comercial foi 19 pais tabata di acuerdo cu e conferencia na Ginebra mester stipula norma y principionan cu ta segura cu gobierno internacional lo bira e medida mas importante pa canalizacion di apoyo di paisnan di industria ne paisnan di desarrollo. Nan ta hanja absolutamente necesario, segun ta ser bisa den e comunicado, cu e abismo economico entre paisnan di desarrollo y di industria lo bira mas chiqui door di tecnicnan nobo.

Probeca di nos baratillo tradicional diahuebs 30 y diabiernes 31 januari

GRAN REBAHA DI PRIJS Ariba articulos di calidad entre otro:
set di camber

set di sala
lampi dressoirs
muebles pa veranda y jardin
(unicamente CASH)

20% REBAHA Ariba TUR
TELA PA CORTINA
durante e dos dianan aki!

ARUBA

MESKER

Adr. Lacle Boulevard 21 - tel. 1325

Oe Thant ta sali pa Afrika

NEW YORK, 28 jan. - Secretario general Oe Thant, di Nacionnan Uni awe lo sali pa Africa caminda e lo delibera den nuebe pais tocante e pregunta con Nacionnan Uni por juda pa resolve kestionnan importante djepaisnan aki.

ta Zanzibar, Tangajika, Kenia o Oeganda, ta ser supone, cu lo papia tocantedificultadnan interino dje paisnan aki cu lidernan dje paisnan cu e lo bishita. Oe Thant, cu lo bishita Marokko, Argelia, Tunisia, Libia, Senegal, Guinea, Ghana, Nigeria y Ethiofia, a bisa siman pasa na su conferencia di prensa di ta pone hopi balor na su viahe.

Lo perteneser ne kestionnan di mas importante cu e lo trata, e dificultadnan economico den estadonan Africano. Di fuente bon informá ta ser bisa cu e deliberasionnan aki lo tin relacion cu e venidero conferencia tocante comercio y desarollo di Nacionnan Uni, cu lo cuminsadia 23 di maart proximo na Ginebra. Tambe nan ta spera cu e lo delibera cu lidernan Argelino y Marokano tocante e kestion fronteriso entre e paisnan aki, cu te ainda no ta definitivamente resolve.

E bishita di Oe Thant, cu lo dura tres siman, ta cal den un tempo, cu varios estado Africano hoben ta hanjnan cu dificultadnan interino. Maske cu e lo no bishita

ACCION DI BENDEDOR DI SIGARIA

AMSTERDAM, 28 jan. - Un donjo di un tienda di sigaria na Amsterdam a cologa dos papel dilanti bentana di su showcase, cu a hala hopi atencion di publico. "Bo sa sunchi bo namorada ora cu e tin lipstick riba su boca, y bo ta come berdura curu y laba cos di kibra cu un producto synthetico, ta algun dje serie di preguntanan que bendedor ta haci publico. Si bo ta haci e cosnan ey, asina el a conclui na fin dje serie di pregunta, anto tambe lo Bo purba huma un sigaria tambe. Ne otro papel el a sugeri en relacion cu e recien transmision di television tocante peliger di humamentu, pa pone un plaatshi di glas riba stuur di baiskel y bromfiets, ora cu bo ta sa-

li pa cas o trabou: "Dilanti luznan di trafico lo Bo a hala tur e gaznan di motornan di e vehiculonan. Na cada roseya cu bo hala y no de bes en cuando manera humamentu ora cu llega cas pone e plaatshi di glas aki bow di un microscop. Podiser bo no ta purba mes sali riba caja sin un mascara di gaz.

E bendedor cu tin 50 anja y mes ta humorado, a mira despues dje recien publicacion cu automaat no ta traha asina hopi manera antes. El a perde venta di 40 por ciento segun cu el a calcula Pero den su tienda Diasabra pasa e venta di sigarianan tabata mas grandi cu el a custumbra normalmente.

PROTESTANTISMO NA SPANJA

MADRID, 28 jan. - Riba peticion dje circulonnan protestant den gobierno Spanjo un comision special dje comunidad protestant na Spanja ta stipulando un documento den cua actitud y luga dje comunidadnan aki ta wordu explica claramente. Manera anuncia, tin basta tempo caba cerca gobierno Spanjo un proposicion di ley pa reconocimientu di protestantnan pa ser aproba. Den circulonnan dje episcopaat Spanjo nan a bisa di sa, cu solamente obispunan meste aproba e ley aki ainda. E documento cu ta ser stipula actualmente y cua ta ser spera cu esaki lo bini cla e luna aki, lo trata pa aclara rasonnan pa un reconocimientu dje igleslanan protestant.

E lo contene e fe religion comun di igleslanan y descripcion y nan formacion. Nan ta spera cu door di esaki gobierno lo ta mas na altura na deliberasionnan cu e comunidad protestant.

Bacuna Naessens

BASTIA, 28 Jan. Gaston Naessens, e biologo autodidacto (cu a desarolla su mes) cu ta insinua di a descubri un bacuna contra leukemie (cancer den sanger), a bisa di lo continua cu su trabao no obstante di un declaracion dje ministerio frances di salubridad publica den cual ta ser bisa cu e bacuna no tin balor.

E vice consul britanico na Ajaccio a declara cu tur e 12 personanan ingles cu ta sufrir di cancer den sanger y cu a llega Corsica pa hanja tratamentu dje bacuna di Naessens por continua cu e tratamentu:

pues el a bolbe cuminsa jora. El a pone su cabez riba schouder di Thesi, manera un hende cu tabata masha cansa. Thesi a coy su lenso y a seka Ingrid su cara cu ne. "Ta kiko a pasabo Ingrid?", Thesi a cuminsazapuntra. Pa un momento aparce cu Ingrid kier a corre brazas Thesi di nobo, pero despues e mucha a sinta mas recto y a bisa. "El a bini bek", y den su sistem tabata tin odio. "E ta asina malo, y asina falso y..." Y atrobe Ingrid a cuminsa jora. Thesi a sinti un duele inmenso di e mucha aki, kende den su desesperacion a corre bini cerca dje pa ayudo. No tabata mucho dificil pa adivina ta kende a bini bek na e castillo. No por ta otro hende cu e Senjora divorciá di e Conde, esta Ingrid su mama. Poco poco e mucha a bolbe calma. El a bisa su cara y a cuminsa seca suwovonan. "Ami...por donami..., cu mi a bin strobo...", e l a bisa. "Ingrid", Thesi a bisa carinioso, "mi ta contento cu bo a bini cerca mi, bo no por imaginabo con felis mi ta sintimi". "Cu gusto lo

mi yudabo, pero promer bo mester bisami di con bo ta asina infelis. Y si bo no kier bisami tampoco, lo mi no keda rabi cu bo. Tin biaha ta pasa cos, cu bo no por papia di dje cu bo mes

DOKTERNAN DI WARDA

O stad-Noord Dr. P.C. Harting
S.Nicolas-Sta.Cruz Dr. A.v.d. - Hoeven

BOTICANAN DI WARDA

O stad Botica Oduber Tel: 1780
San Nicolas Botica San Lucas tel: 5119.

WIT-SELE KRUIS

Oranjestad: Zr. Ewalda
San Nicolas: Zr. Perpetua
Santa Cruz: Zr. Ludovic

CINE

Diarazon 29 Jan
De Veer: 6.00 p.m. "Ha llegado un angel" all
8.30 p.m. "Saturday night and Sunday Morning" 18 j
Rialto: 8.00 p.m. "Amor, Joropo y Corrido" all
Principal: 8.00 p.m. "Darby's Rangers" 18 j
Aurora: 8.00 p.m. "Man-Trap" 18 j
Aurora: 8.00 p.m. "Man-Trap" 18 j
Savaneta: 8.00 p.m. "X-15" all

Cumpleanjos

Dia 28 di Jan. ta cumpli 12 anja Rubia Marlene Albertus, felicitacion ta bini di su tata Francis co, mama Marina, welo y welanan, tanta y omonan, primo y primanan, especialmente di su amiganan di school.

Forza Internacional di polis na pa Cyprus

LONDEN, 28 Jan. Gran Britania a delibera cu varios pais tocante formacion di un forza internacional di polis na Cyprus. Trabao dje forza di polis aki ta mantencion di paz riba e isla, segun a ser anuncia di fuente autorisa na Londen.

Gobierno Britanico a trese cerca di aliadonan su deseo firme dilanti pa amplia base di operacionnan di paz di trupanan Britanico na Cyprus. Circulonnan menciona a participa, cu e ministernan britanico y minister mericano di justicia ayera y awe a papia dje kestion aki. Un bosero dje ministerio di exterior a llama noticianan como si fuera Inglaterra a pidi Merca y otro paisnan di NAVO pa entrega trupanan pa operacionnan pa mantencion di paz, completamente prematuro y especulatio.

Gran Britania segun e bosero aki a laga sa cu e no por sigui eternamente cu su trabao policial na Cyprus sin di hanja asistencia pa esaki.

albania ta ataca rusia

AGENDA

ARUBAANSE COURANT
diariamente cu excepcion di diadomingo
subscripcion f. 3.25 pa luna edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLI-CITEITS MIJ.
Imprimi na:
N.V. DRUKKERIJ
„DE STAD,,
Telefoon 1116 Directiva y redaccion, 2116 Anuncio y subscripcion.
Directeur hoofdredacteur: D. Wolff.

TELE-ARUBA
Diarazon 29 Jan.
05.30 Cartoons
06.00 N.A.N.A.A.
06.30 Verrekijker
06.45 Papiamento Newscast
Live & Filmnews
07.00 Phil. Silver Show
07.30 Informacion Amstel
07.45 Lassie
08.15 This man Dawson
08.45 Viana's Latest News
09.00 Specials
10.00 Sign Off.

RADIO CARACAS TELEVISION

Diarazon 29 Jan.
3.45 Senderos de luz
9.00 Cajas con sorpresas
9.30 Jardin de infancia
10.00 Ingles por T.V.
10.30 Cosas de mujeres
11.15 Quien es quien en T.V.
11.45 Novela
12.00 Show de Saume
13.00 Noticias
13.05 Cont. Show de Saume
13.15 Se necesita una amiga
13.25 Novela
13.50 Yo se lo vendo
14.20 Puno y aparte
14.45 Estudio Hector Monteverde
15.15 Perfecta ama de casa
15.45 Aventuras de Popeye y Yeyo
16.15 Mejlas y sus muchachos
17.15 Yogy Bear
17.45 Noticias
17.50 Wells Fargo
18.30 Huckleberry Hound
19.00 Cero Uno
19.30 Dick van Dijke
20.00 El observador
20.15 Novela
20.30 Don Camilo
21.00 Dimension desconocida
21.30 Bonanza
22.30 Noticias
22.35 Cabildo Abierto

"Buscando amor di Mama"

Novela pa
Pancho Papa la Poncha Pi
No. 12

Poco poco Thesi a los Ingrid for di su curpa, y a bisele: "Ban mira bo mester cambia bo panja, prome cu bo bira malo den tur e panjanan muhá aki. Sra. Hubert por fabor trece poco thee cayente y tambe un tiki romi", Thesi a bisa. Mesora Sra. Hubert a somenta y a sera e porta. Ingrid a keda mira Thesi den su cara. "Ta mihor si mi muri, mi no kier biba mas, mi kier muri...", Ingrid a bisa despues. Y Ingrid a cuminsa jora mas duro ainda. Pero Thesi mester a haci su mes duro y a bisa: "Prome cutur cos bo mester cambia bo panja Ingrid". El a bay na e cashi, y a busca poco panja dikki pa e bisti Ingrid. "Tuma", e di, mientras el abenta epanjanan riba e cama. "Bisti esaki, Sra. Hubert lo cologa bo panjanan muhá den cushina. Ora cu Sra. Hubert a bolbe, ya Ingrid a cambia su panja caba. Naturalmente epanjanan tabata kedele mucho grandi, pero en

todo caso nan tabata cayente y limpi. Ingrid tabata sinti riba Thesi su cama. "Masha danki, Sra. Hubert. Bin aki Ingrid, bo mester bebe algo cayente mesora, prome cu bo bira malo. Sra. Hubert a keda para den kamber y e no a gusta e asunto aki mucho. E ta pensa: Esta cos, yiu di Conde Hofen, den kamber di e maestra. Ta kiko Sra. Beck lo bisa si e mester tende esaki? "Masha danki", Thesi a bole bisa. "Mi mes por regla e resto, Sra. Hubert...". Tur ofendi Sra. Hubert a sali for di e kamber y a sera e porta. Si, esey ta mi danki pa tur e bon cuidonan cu mi a duná, Sra. Hubert a pensa. Thesi a jena un koppie mitar cu Thee y a basha poco rom aden. No ta nada cu Ingrid bira un poco burachi, mihor esey, cu e haya pulmonia. El a coy e koppi y a bai sinti banda di Ingrid riba e cama. E mucha a cuminsa bebe y des-

por a mira den e wowonan di Ingrid algo manera confianza, algo manera stimacion. "Mi..., mi, tin gana di contabo Srta.", Ingrid a contesta poco poco, "mi..., mi ...". "Parce cu e no por a saca palabra. "Bo mama a bolbe no?", Thesi a purba judele un poco. "Si", Ingrid a bisa, "mi tabata den e biblioteca, jugando cu Bonzo, y e ora...". "Verdaderamente mi no tabata tin gana di scucha, pero nan tabata papia asina duro. Y e ora mi a tendele ta bisa cu e tin gana di mirami, y e otro homber tambe tabata junto cu ne, esta esun cu ta casa cu ne awor...". Pa un momento tur dos a keda keto. "Y...bo tata?", Thesi a puntra. Ingrid a hari na un manera rabia. "El a bisa... no mi no por bisabo... el a tapa su cara cu su dos mannan. "Kiko el a bisa?", Thesi a puntra. "El a bisa... ainda Ingrid no kier a bisa y despues el a bisa duro... cu ami no ta su yiu y cu e lo ta contento si mi bay for di a-kinan...". "E burdugo ey", Thesi a bisa mientras e ta cariciando Ingrid. Ta pesey anto e ta trata e mucha asina bruto, ta esey ta e motibo cu e no tin amor pa Ingrid. Thesi mes a sinti un doló den su curazon, ora el a pensa esaki. Ingrid a bolbe braza The-

si duro. E no tabata jora mas, pero Thesi por imagina su mes con Ingrid ta sinti su mes awor. Un mucha chikito asina, cu a pasa den tanto cos y cu nunca su mayornan tabata tin ni un tiki stimacion pe. "Ta duel mi masha hopi", Ingrid a bisa di repente. "E dia cu mi a dal bo cu e bala...mi a dunabo asina hopi doló...". "Mi ta stimabo masha hopi Ingrid", y el a keda mira Ingrid den su wowonan preto, cu casi no tin un impresion di mucha. "E no a hacimi tanto doló, Ingrid", Thesi a bisé. "Bo ta un bon hende pa mi" Ingrid a bisa poco poco, y el a pone su cabez riba Thesi su schouder. "Nunca den mi bida, tabata tin un hende cu a tratami asina bon...". E mester bay drumi, Thesi a pensa. Dios sa for di ki ora e tabata cana den e yobida y ademas el a bebe un tiki di rom tambe den su thee. "Awor bo ta bay drumi un poco Ingrid. Bo ta cansá, y bo mester descansa un rato, promer cu nos sigil papia di e asunto aki". Sin protesta Ingrid a bay drumi. E cachó cu henter ora tabata sinti banda di Ingrid su pianan, a lanta y a bay sinti bande di e kachel. Despues e tambe a cay drumi, y Thesi a cariciele riba su cabez.

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di **FRIESCHE VLAG** lechi evaporado y lechi en polvo **MAXWELL HOUSE KOFFIE.**



HOROSCOPO PERSONAL

Pa Diarazon 29 Jan.

ARIES, 21 maart - 20 april

Sigui cu bo plannan si esakinan a worde accepta unavez. No laga nan hinka bo den problemanan di amor of matrimonio di otronan.

TAURUS 21 april - 21 mei

No laga miedu domina bo pasombra no tin motibo pa esey. Aspectonan ta bira mehor despues di atardi, no perde bo rivalnan for di bista.

GEMINI 22 mei - 21 juni

No laga otronan bruha bo door di nan reaccionnan desfavorable. Despues di atardi bo lo por presta mas, bo ideanan ta bon.

CANCER 22 juni - 23 juli

No laga miedu detene bo si bo ta sinti insistencia pa hasi un cierto paso. Interesnan di mayornan y sernan queri tin preferencia.

LEO 24 juli - 23 aug.

No laga miedu pone bo evita responsabilidad. Bo por gana hopi awor si bo muestra confianza den bo mes y traha cu energia.

VIRGO 24 aug. - 23 sept.

Awe por trece hopi problemanan pa bo; asuntonan serio ta existi preferencia. Anochi esaki ta cambia y aspectonan ta bon pa diberti.

LIBRA 24 sept. - 23 okt.

No fia nada awe. Mas den dia algu agradabel pa via di otronan ta pasa bo. No confia loke bo ta lesa mucho.

SCORPIO 24 okt. - 22 nov.

Bo mester tene cuenta cu poco presion y tenson y problemanan awe. Banda di anochi esaki ta mehora no cansa bo culpa mucho.

SAGITTARIUS 23 nov. - 21 dec.

Awe no actua riba bo mes si ta trata di asuntonan importante. Dos sabi mas cu uno. Adapta bo mes si circunstancianan ta cambia di riplate.

Pa BOEKI „SONJO“, na spanjo y ingles cu interpretacion di number di suerte.....
..NICOLAAS STORE,,
 Tel...5385 - San Nicolas

CAPRICORNIUS 22 dec. - 20 jan.

Awe nan por pone presion riba bo of duna bo responsabilidadnan nobo. Despues di atardi por tin un encuentro agradable.

AQUARIUS 21 jan. - 19 febr.

Responsabilidad y debenan por eherce presion riba bo, pero bo mester cumpli cu nan. Anochi ta muestra favorable riba tur terreno.

PISCES 20 febr. - 20 maart

Algu di pasado di riplate por hanja nificacion atrobe. Trata pa bai cu pasenshi cu otronan y no bai mucho tras di e prome impresion.

CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.




BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

pa cortesia di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.



DICK TRACY

